

499

QVÆSTIO MEDICA

QVODLIBETARIIS DISPVATIONIBVS MANE DIS-

CVTIENDA IN SCHOLIS MEDICORVM, DIE IOVIS XIX. FEBRVARII,

MAGISTRO IOANNE BEAV-CHESNE DOCTORE MEDICO MODERATORE.

An fetus per vmbilicum nutriatur

MVLIER homo; omnia & eadem quæ vir membra sortita, nec diuersa in vtroque sexu genitalia. Mulieri optimi temperamenti notainest, perfectione actionis illi peculiaris & conuenientis iudicanda, nulla functionum animalium & vitalium integritate culpanda, naturalium meliore parte superior, Ortus, incrementi, & fausti in lucem ingressus, potiorẽ causam nuper editus infans, genuino calore, halituoso, blando, miti turgens, matri in acceptum refert: lucis ysurâ fruendi dulcissimum & maximè nutriens lac, omni alibili succo, & omni animantium lacti in Phthisi præferendum, suggeritur.

VTERVS, summo in mutationem vniuersi dominatu, fausto & infausto præpollens, totum sibi simile corpus reddit, & numerosâ venarum & artierarum sobole circumseptus, omni corporis principatu coniunctus, iucunda & fragrantia ambit, foetida auersatur; testium vigore seminis fecundi copiam acervat, quâ stimulatus, in concupiscentiam & amorem gignendi se erigit, genturâ virili expleri cupiens: sitque complexus desiderium eò maius, quò locelli copiosius semine abundat: cuius suppressione, strangulatus. Iecur humoris benigni fons & confors concupiscentiæ, subsidio; minus tamen bonum afficit; nihil enim excellentius generatione & completâ conformatione animalis, diuino vteri opere.

QUO ET V S generandi & conformandi prima in vtero prodeunt rudimenta; ingenitâ proprietate spiritui opifici à cæteris specie distincto suppetias ferente, vtrique obeundo operi duo idonea concurrunt principia, semen & sanguis menstruus; semen ex solis testibus & vicinis partibus deciduum, terrenâ substantiâ paucâ, calidâ, spirituosâ, aëreâ, humidâ plurimâ constans, dum inchoandâ incumbit functioni, naturæ officium & omnes eius dotes in se completur, tantum alimenti sanguinei quantum competit, vi attractrice accumulans. Sanguis partium carnosarum tertiæ coctionis excrementum, per vteri venas syncerus & defecatus illabitur ad ortum & nutritum: cuius exuperantis excretio, ad definitos naturæ motus est referenda.

GENITIVA vtraque excepta vtero, principij efficientis vim præstantiorem continens, menstruo facultatis minimum, materiæ plurimum conferente, nutrita & aucta, prima erigit fundamenta; sed semini albo, lento & crasso succo, veriùs quàm sanguini in primo ortu solidiores particulae, membranae, & vasa, ad sanguinis commeatum necessaria, suam debent generationem: appulsu sanguinis trium principiorum, carnosarum partium, & fabricæ totius complementum conspicuum: omnibus absolutam numeris conformationem produnt motus & palpitatio, iuxta Naturæ & necessitatis leges, hepate cordis & cerebri ex solo semine conflati, ortum præcedente.

MVLTIPLIX facultatum, actionum, & operum varietas, ex substantia genitali simplici emergit; quot sunt similes, & spermaticæ particulae, tot alteratrices potentia, compages & forma arcanam diuinæ originis virtutem agnoscit; vtraque vi in vnum conspirante, pro solita naturæ sagacitate, ex seminis crassiore & frigidiore portione amnios, & chorion effiguntur; quod reliquum, pro cuiusque partis conditione in eius substantiam facellit. Vena & arteriæ vmbilicales vtrumque sanguinem foetui alendo & viuificando deferunt: vrachus à vesicæ fundo ad vmbilicum protenditur, chylosis, hæmatosis, respiratio necessitatis nullius: nec superest vasorum genus vllum quod communionem inter foetum & vterum ostendat.

Ergo fetus per vmbilicum nutritur.

M.P.

Asserebat Lutetiæ BARTOLOMEVS BARRALIS Valerno-Gapensis, Anno R. S. M. DC. XV.

DOMINI DOCTORES DISPVATVRI.

*M. Gabriel Harduinus de S. Jacques.
M. Michael de la Vigne.
M. Ioannes Tournier*

*M. Iacobus Perreau.
M. Guillelmus Gerbault.
M. Franciscus l'Espicier*

*M. Georgius Cornuty.
M. Claudius Boivin.
M. Philippus Harduin. de S. Jacques.*